

Proseso lijtritasion elektoral Mejikopo

Mejikopo jume jaamuchim into jume o'owim bempo witti juka ya'utta bempoim nokrianeme yeu puppua. Ini joowame beja yoemianesawipo ta'ewa sunwat'utte'am na'ikimtekai, inime beja Poler Ejekutibo, Poler Lejijlatibo into Poler Julisial. Jum Poler Lejijlatibopo beja jume leim Mejiko mamlo biwapo ayukame am etejo into am luttu'uria yeecha; junama beja liputaom into senalorim aane. Jume liputaom beja juka puepplota Unionta Konkreso bichapo am nokria into inime beja jiba yuu baji wasuktiampo yeu puppuawa.

Mejikota yoemianesawipo, jaamuchim into o'owim booto jibabenak beje'ewak. Jitbeje'eriata a makbetchi'ibo, jum liputaom yeu puawa'apo ju mamlo lopoojo'ara beja área jeokrapiko elektoralpo nana'ikimtewa jiba be'eki nujmeam jippuekai. Junaeni, weepul liputao jiba be'eki mejikanom nokria. Inime aream beja lijtriito elektoralimpo ta'ewa, kaa nana'arechine juni'i, bweta jiba be'eki yoemiam jipu'uneekai.

Ju Ejtao Unilo Mejikanom Kojtitusion Poliitika a teuwa beja si'ime bwia mamlo 300 lijtriitompom emo nana'ikimte, into weepul liputao peleral amet yeu puppuawa. Ama naabujtia, jume weepul Ejtaompo bem Kojtitusion Poliitika ket a nesauyecha'ala, jume liputao lokalim nujmea yeu puarime beja lijtriito elektoralim be'ekine.

¿Jitasa ju lijtriito elektoral?

Wepul lijtriito elektoral beja wepul área jeokrapika yecha'i wame paijpo o entilat peleratibapo nujmeam yuma'isia am na'ikimtebetchi'ibo, liputaom nujmea yeu puarime aa yeu puatune'ebetchi'ibo into wepul liputao yeu puarime jiba be'eki nujmeam aa nokriane.

¿Jitasa ju lijtritasion elektoral?

Ju Ijtituto Nasional Elektoral (INE) inika jaisa weyemta joosime, jume lijtrito elektoralim bempoim mamlo bwita tuate nibel peleralpo o jum weepul entilat peleratibampo.

¿Jita aa ae jootu?

Weepul lijtrito elektoralpo yumaisi bato'im nat am na'ikimtebetchi'ibo, si'ime bwia tosapo jum poliitikopo yee nokrianemta jipu'ubetchi'ibo, into a sekuraroa weepul bootota jiba bena beje'ewata a jipu'unebetchi'ibo.


¿Jaisaka watiawa ju lijtritasion elektoral?

Ju lijtritasion beja watiawa bwe'ituk ju paalabato'i jiba yuu emo nakulia.

Wate bato'im beja tomte, wawate into kokko, wate into ta'abwikun bicha jo'ate, junuen yeu a siiko into wate lijtriitom che'a juebena o che'a illiki bato'im jijippue, woi o baji wasuktiam siiko kaa jiba be'ekim paalabato'ine jume lijtriito elektoralim. Junue betchi'ibo tua beje'ei jume iltriito elektoralim jiba yuu majtekilbitne si im jiba be'ekim paalabato'ik.

Jitaamsa luttu'uria jajamik lijtritasionta betchi'ibo?

Jume lijtriito elektoralim yaabetchi'ibo beja jiba be'eki bato'im jippuenekai, bem wajiwa jume munisipiom jiba yuu yuma'itune, ju bem napekonti beja pikuura jeometrikopo a benamachiune'u, wajiwa tu'i nokbittuarita jipu'une, aksilente jeokrapikom tua beje'ewata jippueme ama na'ikiakai into jume munisipiom komunilat inliijenam jippueme nau jippu'une poliitikapo bem wee'anriata uluk'eetuakai.



¿Jakwo yaana into jaisa yaana?

2016 into 2017 wasuktiampo ju INE lijtritasion nibel peleral into juka lijtritasion lokalta yaabae inime ejtaompo: Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacán, Morelos, Nuevo León, Querétaro, San Luis Potosí, Sonora, Tabasco into Yucatán.

Ju INE beja foorom yaane weepul entilat peleratibapo proyekto lijtritasion elektoralta am ta'atuabetchi'ibo jume ijtitusion inliijena representatibommeu, jume partilo poliitiko batja'abwekammeu, ejtatal into munisipal ya'utchimmeu, liputao lokalimmeu, ya'ut elektoral lokal into peleralimmeu into ama naabujti paala bato'oratau.

Komunilat inliijena soonampo inika proyekto lijtritasion ya'awako, ju INE Kamet Konsultata ameu yaane Puepplo into Komunilat Inliijenammeu amet ju'uneebaekai jaisa im che'a tu'isi tawaeen wajiwa wepul lijtriito elektoralpo, junuen kechia am ju'oneyyanebetchi'ibo jita kablesa lijtritaleu im cha'aeen.

¿Jabesa ama wee'ane?

Jum fooro informatibopo beja ama wee'anne partiilo poliitiko batweyekamem, ejtaompo into munisipiompo ya'utchim, liputao lokalim, local into peleral electoral ya'utchim, jume puepplom into komunilat inliijenam into paala bato'oram.

¿Jakwosa joowa into jaisa joowa ju konsulta?

Fooro siulalanompo ama naabujtia, jume ya'urammak puepplommeu bat ja'abwekammake into jume komunilat inliijenammeu weepul ejtaompo ket nau tojina mesa inpmatiba ejpesialisalam yaabetchi'ibo. Inime mesampo beja yecha'ana joo boo'o puepplo into komunilat inliijenam nau tojibetchi'ibo lijtriito elektoralimpo wajiwa into tejwai ama yeu sikamta ameu bwijna bempoim eiyarita am teuwanebetchi'ibo ya'ut elektoralta akrupasion ameu bwijwamtabetana.

Aet cha'aka intoko jume ya'uram batja'abwekame puepplo inliijenammeu bempoim tu'ubitriam ameu bittuane bempoim Junta lokalim into lijtritalimmet luula jum weepul ejtaompo. Lijtritasion elektoralta konsulta inliijenamak ya'asuwako, ju INE juka bemela

Ijtritasion elektoral lokalta beja jume paalabato'im ae betana am tejwane into aet cha'aka beja jiba benasi ya'ana bemela ijtritasion peleralta yecha'abetchi'ibo.

Konsultata Puepplo into Komunilat Inliijenammeu tu'isi yaabetchi'ibo, Ijtituto Nasional de Lenkuas Inliijenam (INALI) beja juka INEta aniane, junuen kechia ju Komision Nasional Lesaroyo Puepplo Inliijenam betchi'ibo (CDI).

¿Jabesa ama wee'ane jum konsultapo?

Si'ime puepplo into komunilat inliijenam bempoim ya'utchim am nokriammet luula.

¡Emo tejwaite! Mejiko che'atune si'imem ama wee'aneo, ¡Emo ama na'ikia!